

ურთიერთთანამშრომლობის

მემორანდუმი

საჯარო სამართლის იურიდიული პირი - „სქართველოს
ფიზიკური აღზრდისა და სპორტის სახელმწიფო სასწავლო
უნივერსიტეტი“-სა

და

არასამეწარმეო (არაკომოერციული) იურიდიული პირი -
„საქართველოს ჭიდაობის ეროვნული ფედერაცია“-ს

შორის

თბილისი, 2016 წელი

ქვემოთ ხელისმომწერნი,

ითვალისწინებენ რა, ხელისმომწერი მხარეები წარმოადგენენ კულტურულ-საგანმანათლებო, ფიზიკური აღზრდისა და სპორტის განვითარების მნიშვნელოვან დაწესებულებებს,

და რომ ხელისმომწერმა მხარეებმა ნებაყოფლობით გამოთქვეს სურვილი, რათა ითანამშრომლონ საგანმანათლებო და სპორტის განვითარების საქმიანობის სფეროებში,

ერთის მხრივ

სსიპ „საქართველოს ფიზიკური აღზრდისა და სპორტის სახელმწიფო სასწავლო უნივერსიტეტი“ (შემდგომში „უნივერსიტეტი“), წარმოდგენილი მისი რექტორის, გურამ ძაგანიას მიერ,

და

მეორეს მხრივ

ა(ა)იპ „საქართველოს ჭიდაობის ეროვნული ფედერაცია“ (შემდგომში „ფედერაცია“), წარმოდგენილი მისი პრეზიდენტის მანუჩარ კვირკველიას მიერ,

ურთიერთშეთანხმების საფუძველზე, ხელს აწერენ წინამდებარე მემორანდუმს, და

- პატივს სცემენ რა ერთმანეთის სახელს, იმიჯსა და ავტორიტეტს;
- გამოხატავენ სურვილს რა ითანამშრომლონ საერთაშორისო სტანდარტების შესაბამისად;
- ისწრაფვიან რა ფიზიკური აღზრდისა და სპორტის განვითარების პროგრამების ფარგლებში, ახალგაზრდებში თეორიული, პროფესიული და პრაქტიკული ჩვევების განვითარების ხელშეწყობის გზით, ახალი თაობის კადრების მომზადების საქმეში წვლილის შეტანისთვის,

მხარეები თანხმდებიან შემდეგზე:

მუხლი 1. მემორანდუმის საგანი

1.1. მემორანდუმის საგანს წარმოადგენს კულტურულ-საგანმანათლებო, ფიზიკური აღზრდისა და სპორტის განვითარებასთან დაკავაშირებულ ყველა მიმართულებით მხარეთა ურთიერთთანამშრომლობა, პარტნიორობისა და ერთიმეორისადმი ხელშეწყობის პრინციპებზე დაყრდნობით.

მუხლი 2. მემორანდუმის მიზნები

- 2.1. ფედერაცია მზადყოფნას აცხადებს რომ მონაწილეობა მიიღოს ფიზიკური აღზრდისა და სპორტის თეორიული სწავლების საგანმანათლებო, სამაგისტრო და სადოქტორო პროგრამების განვითარებასა და წარმართვაში უნივერსიტისა და ფედერაციის ბაზებზე.
- 2.2. მხარეები თანახმები არიან რომ ერთობლივად შეიმუშავებენ და განახორციელებენ საერთო ინტერესებში შემავალ სამეცნიერო-კვლევით პროექტებს.
- 2.3. უნივერსიტეტი მზად ყოფნას აცხადებს რომ დახმარება გაუწიოს ფედერაციას ჭიდაობის პროგრამაში მომუშავე და მოღვაწე პირების კვალიფიკაციის ამაღლების, გადამზადებისა და თანამედროვე მოთხოვნების შესატყვისი უნარ-ჩვევების ათვისების პროცესებში; დაეხმაროს ფედერაციას თანამედროვე ინსტიტუციური მეთოდებისა და ფუნქციონირების სტანდარტების დანერგავაში, და განვითარების პროცესების სისტემის სრულყოფილებაში.

მუხლი 3. მხარეთა ვალდებულებები

- 3.1. მემორანდუმის მხარეები ვალდებული არიან შეასრულონ მემორანდუმის პირობები კეთილ სინდისერებითა და ურთიერთპატივისცემით, წარმართონ მემორანდუმით გათვალისწინებული საქმიანობა ურთიერთშეთანხმებისა და კოორდინაციის პრინციპებით.
- 3.2. მხარეები კისრულობენ ვალდებულებას შეუთანხმონ ერთმანეთს ნებისმიერი პრობები, რომლებიც შეიძლება შეეხოს მეორე მხარის კანონიერ უფლებებსა და ინტერესებს.
- 3.3. მემორანდუმი განსაზღვრავს მხარეთა ძირითად შეთანხმებას ურთიერთთანამშრომლობის შესახებ. კონკრეტულ საქმიანობასთან დაკავშირებული პირობები და ვალდებულებები მხარეთა შორის სავალდებულოა გაფორმდეს დამატებითი ხელშეკრულებით, რომელიც სავალდებულოა ეფუძვნებოდეს ამ შეთანხმებით აღიარებულ პრინციპებსა და ურთიერთვალდებულებებს.

მუხლი 4. მემორანდუმის მოქმედების ვადა

- 4.1. წინამდებარე მემორანდუმი მოქმედებს უვადოდ. მისი გაუქმება მოხდება ქვემოთ მოყვანილი შემდეგი პირობების შემთხვევაში:
 - ა) მხარეთა ურთიერთშეთანხმების საფუძველზე;
 - ბ) ერთი მხარის მიერ, ერთი თვით ადრე მიწოდებული წერილობითი განცხადებთ მემორანდუმის მოქმედების შეწყვეტის ვადის შესახებ.

მუხლი 5. ცვლილებები, შესწორებები, და დამატებები

5.1. მემორანდუმში ნებისმეირი სახის ცვლილება, შესწორება, ან/და დამატება იურიდიულ ძალას იძენს მხოლოდ მხარეთა მიერ მისი წერილობითი გაფორმებისა და ხელმოწერის შემთხვევაში.

მუხლი 6. მხარეთა ურთიერთობა

6.1. ამ მემორანდუმის საფუძველზე წარმოებული მხარეთა ურთიერთობა არ ნიშნავს მხარეთა შორის რაიმე ასოციაციის, კავშირის ან/და გაერთიანების შექმნას.

6.2. მესამე პირთან ურთიერთობისას არცერთ მხარეს არა აქვს უფლებამოსილება იმოქმედოს მეორე მხარის სახელით.

6.3. მხარეები საქმიანობას წარმართავენ პირდაპირობის, ურთიერთპატივისცემისა და ერთმანეთის საქმიანობაში ჩაურევლობის პრინციპებზე დაყრდნობით.

მუხლი 7. დასკვნითი დებულებები

7.1. მემორენდუმი არ შეიცავს სხვა რაიმე დამატებით წერილობით ან სიტყვიერ შეთანხმებას.

7.2. მემორანდუმი ძალაში შედის მხარეთა მიერ მისი ხელმოწერის მომენტიდან.

7.3. მემორანდუმი შედგენილია ორი თანაბარი იურიდიული ძალის მქონე ეგზემპლიარად და ორივე მხარეს გადაეცემა თითო ეგზემპლიარი.

7.4. ადასტურებენ რა ზემოაღნიშნულს, მხარეები ხელს აწერენ წინამდებარე მემორენდუმს იმ დღესა და წელს, რომელიც მითითებულია მემორენდუმში.

მხარეთა ხელმოწერები

სსიპ - საქართველოს ფიზიკური აღზრდისა
და სპორტის სახელმწიფო სასწავლო
უნივერსიტეტი
თბილისი, ქ. ჩოლოევაშვილის გამზ. N7

რექტორი

ჯემალ ძაგანია



საქართველო, ქ. თბილისი, 25 მარტი, 2016 წელი

ა(ა)იპ - საქართველოს ჭიდაობის ეროვნული
ფედერაცია

თბილისი, ი. ჭავჭავაძის გამზირი N 49 ა

პრეზიდენტი

მანუჩარ კვირველია

